



BABHTA COIMISIÚNAITHE DON CHISTE CRAOLTÓIREACHTA GAEILGE (ILBF) Fómhar 2022

- **Sprioc-am d' iarratais chuig TG4 - 4pm Dé hAoine 9ú Meán Fómhar, 2022**

Fáilteoidh TG4 roimh iarratais ón earnáil léiriúcháin neamhspleách chun cláir aonair agus/nó sraitheanna a sholáthar dúinn.

Critéir nach mór a bheith i d'iarratas chuig TG4:

Sa bhabhta coimisiúnaithe seo roghnófar tograí le cur ar aghaidh lena mbreithniú do thacaíocht faoin chéad bhabhta eile de Chiste Craoltóireachta Gaeilge (ILBF). Ná cuir ar aghaidh ach tionscadail atá incháilithe faoi an scéim.

Ba chóir gach iarratas ar choimisiún a theacht chugainn tríd an gcóras ríomh-choimisiúnaithe mar cheangaltán pdf agus an buiséad mar cheangaltán excel. Ní dhéanfar iarratas a mheas nach bhfuil buiséad leis.

NB: Ní dhéanfar d'iarratas a mheas mura mbeidh na nithe seo san áireamh.

Le gach iarratas, ní mhór na nithe seo a leanas a bheith san áireamh san iarratais.

- Achoimre cruthaitheach faoin gclár nó faoin sraith.
- Buiséad iomlán
- Léiritheoir & Stiúrthóir luaite chomh maith le príomh foireann taobh thiar den cheamara.
- Cur chuige físiúil ón stiúrthóir
- Moltaí maidir le tallann/rannpháirtithe atá le bheith ar an scáileáin
- Sprioc lucht féachana TG4 agus an sprioc-am craolta
- Plean nó sceideal léiriúcháin
- Ba cheart do na hiarratais a shonrú cé acu de na gnéithe inghlactha don bhabhta seo don BAI a dtagraíonn siad dóibh.
- Plean maoinithe
- Straitéis Digiteach 360

Ba chóir go sonrúfaí sna hiarratais cé acu de na Gnéithe Inghlactha thíosluaite don bhabhta seo den ILBF a dtagraíonn siad dóibh.

GNÉITHE INGHLACTHA SA BHABHTA SEO FAOIN ILBF:

1. Fíorasach & Siamsaíocht Croí-lucht féachana.

Sraith de chlár faisnéise nó siamsaíochta 25' nó 50' ar fhad ag plé, den chuid is mó, le scéalta láidre, téamaí comhaimseartha a thugann léargas dúinn ar dhuine, teaghlach, grúpa nó gairm. Fáilteofar roimh scéalta a bhaineann leis an nádúr, athrú aeráide, cúrsaí timpeallachta, tomhaltóirí (consumerism), faisean, tithíocht, tógáil clainne, nó meascán de sheánraí.

An chéad am craolta: Lá i rith na seachtaine, 8pm nó 8.30pm.

Formáid: Clár/sraitheanna faisnéise nó clár/sraitheanna siamsaíochta, 25' nó 50' ar fhad.

Lucht Féachana: Croí-Lucht Féachana.

2. Fíorasach Náisiúnta

Faisnéis aonair uair an chloig nó sraith faisnéise suas le ceithre pháirt ina léirítear scéal láidir, tábhachtach atá feiliúnach do phríomhsceideal TG4. Leis na scéalta seo, is féidir súil ghéar a chaitheamh ar shaol na hÉireann trí bhreathnóireacht nó trí mheascán de mhodhanna scéalaíochta agus athchruthaitheacha. Scéalta comhaimseartha nó scéalta stairiúla a bhfuil tábhacht comhaimseartha ar leith leo. Is féidir gach réimse scéalaíochta a bheith san áireamh idir próifíl, faisnéis, spórt, nádúr etc ach é a bheith feiliúnach le craoladh ag 9:30pm san oíche. Tá deis anseo cláracha fíorasacha aonaracha a sholáthar do TG4 a bheadh mar sheoid sceidil, a bhainfeadh gradaim amach agus a sheasfadh amach mar sheoid faisnéise aonair. Fáilteofar roimh ábhar atá forbartha cheana féin ach a bhfuil tábhacht faoi leith leis sa lá atá inniu ann. Moltar scéalta atá uaimhianach, dearfach agus scéalta a chuireann dea – ghiúmar ar dhaoine go háirithe.

- An chéad am craolta: Dé Céadaoin, 9.30pm
- Formáid: Clár aonair nó sraith suas le ceithre pháirt x 50 nóiméad ar fad
- Lucht Féachana: Náisiúnta
- Buiséad le meas togra ar togra

Scannáin Fhaisnéise fada: Fáilteofar freisin roimh scannáin fhaisnéise fada – 70' – 90' ar fhad ar féidir taispeántais san amharclann, ag féilte agus a bhéas mar sheoid chlár sceidil TG4.

3. Fíorasach Stair Náisiúnta

Bíonn na cláir staire is fearr siamsúil, suimiúil agus bunaithe ar an scéal a insint. Nílimid ag iarraidh smaointe nach bhfuil iontu go bunúsach ach aistí acadúla ina bhfuil agallaimh agus pictiúir, táimid ag iarraidh smaointe ina n-úsáidtear cuir chuigí nuálacha chun an scéal a insint agus formáidí cliste a chuideoidh leis an lucht féachana eolas nua a iniúchadh, a aimsiú agus a fháil amach. Tá sé tábhachtach go mbeimid ábalta tuiscint a bheith againn ar ár bpearsaí stairiúla, díreach mar a bheidís fós ar an saol seo. Oibreoidh ócáidí comórtha a bhaineann leis an stair chomh fada is go gcaitear leo mar ar bhealach atá úr agus ábhartha agus comhaimseartha.

An chéad am craolta: Lá i rith na seachtaine, 9.30pm.

Formáid: Cláir aonair nó sraith staire, 50 nóiméad nó 75 nóiméad ar fhad.

Lucht Féachana: Náisiúnta.

4. Siamsaíocht Fhíorasach Náisiúnta

Is féidir leis a bheith i bhformáid fhíorasach nó ina shraith bhreathnaitheach, nó ina shainsraith fhíorasach más sraith í a bheidh siamsúil agus uaimhianach! Bíonn iomaíocht mhór ann don chraoladh a bhíonn ann oíche Déardaoin @ 9:30pm agus mar sin ní mór don tsraith a bheith bainteach le saol na linne, ábhartha, dúshlánach agus conspóideach in amanna. Ní mór dó a bheith croíúil agus siamsúil agus go mbeadh sé nádúrtha.

An chéad am craolta: Déardaoin, 9.30pm

Formáid: Sraith de chláir shiamsaíochta fhíorasacha láidre, tarraingteacha 50 nóiméad ar fhad.

Lucht Féachana: Náisiúnta

5. Siamsaíocht Ceoil Thraidisiúnta

Cláracha aonair nó sraitheanna cláracha uair an chloig ar fad le craoladh oíche Dhomhnaigh ar 21:30pm.

Fáilteofar roimh iarratais ar chláracha faisnéise agus thaibhsithe ceoil lena gcruthófaí ardáin agus cóiriú nua don cheol agus don amhránaíocht thraidisiúnta agus a dhéanfadh ceiliúradh ar shaibhreas ealaíona dúchasacha na tíre.

Is féidir réimse an cheoil a mheascadh le réimsí eile faisnéise, m.sh: cláracha taistil ceoil, beathaisnéise agus ceol a bheadh feiliúnach le craoladh sa phríomhsceideal ceoil agus mar chlár aonair speisialta um Nollag/um Cháisc nó mar chomóradh ar amanna nó ócáidí faoi leith sa bhliain.

Moltar daoine cumasacha nua láithreachais agus tallann ceoil a fhorbairt.

An chéad am craolta: Dé Domhnaigh, 9.30pm

Formáid: Sraith de chlár 50 nóiméad ar fad

Lucht Féachana: Náisiúnta

6. Siamsaíocht cheoil NACH ceol traidisiúnta é

An chéad am craolta: Lá i rith na seachtaine, 9.30pm.

Formáid: Sraith de chlár 25 nó 50 nóiméad ar fhad a d'fhéadfadh a bheith ina meascán de fhormáidí.

Formáid: Sraith clár 25 nó 50 nóiméad ar fhad nach gá a bheith i bhformáid ceolchoirme. Cuirfear fáilte roimh fhormáidí eile.

Lucht Féachana: Náisiúnta.

7. 2022 / 2023

Fáilteofar roimh iarratais ar thograí is féidir a léiriú le linn 2022 / 2023 agus iad a chraoladh mar chuid de sceideal na bliana nua 2023. Ní mór do chláracha a bheith feiliúnach le craoladh mar chuid den phríomhsceideal agus feiliúnach do lucht féachana leathan. Smaointe a thugann dearcadh úr ar scéalta na hÉireann agus a mbeidh spéis ag daoine idir shean agus aosta iontu, smaointe atá siamsúil agus dearfach atá de dhíth.

Bíonn an-tóir go deo ar cheolchoirmeacha nó cláracha a mheascann faisnéis agus oirfidigh an cheoil um Nollag. Éiríonn thar barr le cláracha faisnéise faoi dhaoine as Éirinn atá i mbéal an phobail, pearsana spóirt agus cláracha ina gcaitear súil ghrinn, éadrom ar shaol ár linne.

Is féidir cláracha aonair uair an chloig nó cláracha fada oibriú le linn sceideal na Nollag. D'fhéadfaí sraith dhá / trí chuid is féidir a chraoladh oícheanta i ndiaidh a chéile idir dhá Nollaig oibriú go maith freisin.

Fad: Idir 50' agus 70'

Lucht Féachana: Daoine fásta / leathan / Náisiúnta



8. Siamsaíocht do pháistí (páistí réamhscoile nó 6-12 bhliain)

Fáilteimid roimh iarratais ar ábhar beo-ghnímh (live action) ina mbeidh páistí nó tálann óg láithreoirí a mheallfaidh an lucht féachana ar an scáileán. Ábhar tarraingteach agus siamsúil, a spreagann fiosracht agus foghlaim, ach a bhfuil féith an ghrinn ag baint leo.

Lucht féachana luath bunscoile (5-7 mbliana)

Lucht féachana réamhscoile, faoi 5 bliana

Lucht féachana bunscoile (8-12 bhliain)

*I gcás sraitheanna atá á bhforbairt, is fiú míreanna nó eilimintí a d'fhéadfaí a úsáid tras-ardán a bheith san áireamh.

An chéad am craolta: Lá i rith na seachtaine

Formáid: Sraith de chláir, fad éagsúil.

Lucht Féachana: Páistí, Croí-lucht féachana

9. Cláir athghuthaithe do pháistí (páistí réamhscoile nó 6-12 bhliain)

Sraitheanna tarraingteacha spráúil a mheallfaidh an lucht féachana óg agus atá in ann suí taobh le cláracha eile idirnáisiúnta agus coimisiúnaithe sa sceideal.

An chéad am craolta: Lá i rith na seachtaine

Lucht Féachana: Páistí, Croí-lucht féachana

Ní mór na hiarratais a chur isteach go leictreonach. Mura bhfuil an comhlacht cláraithe, caithfear clárú ar dtús ar an suíomh eCoimisiúin <https://ecomm.tg4.ie>, agus an t-iarratas a uaslódáil roimh an sprioc-am tríd an rogha, 'ILBF Fómhar, 2022', ón roghchlár anuas. Gheobhaidh tú admháil leictreonach go huathoibríoch. Ní ghlacfar le hiarratais tar éis an sprioc-ama agus is faoi na comhlachtaí iad féin atá sé a chinntiú go bhfuil na hiarratais faighte againn.

Má tá aon cheist maidir leis an bpróiseas leictreonach seachadta nó maidir le haon chuid den bhabhta seo, cuir r-phost chuig Máire Uí Choisdealbha – maire.ui.choisdealbha@tg4.ie

Glacfar le hiarratas ar an mbonn go gcomhlíonfaidh iarrthóir na hoibleagáidí reachtúla iomchuí uile.

Níl dualgas ar TG4 glacadh leis an iarratas is ísle praghais, ná le haon iarratas.

Beidh aon chonradh ag brath ar Theastas Imréitigh Cánach ó na Coimisinéirí Ioncaim.

An tAcht um Shaoráil Faisnéise: Cuirtear in iúl d'iarrthóirí gur ceadmhach eolas a sholáthraítear a nochtadh don phobal faoin Acht um Shaoráil Faisnéise. Ba chóir d'iarrthóirí aird a tharraingt ar eolas íogair (más ann dó) agus an chúis gur eolas íogair é a chur in iúl. Ní féidir glacadh leis nach mbeidh dualgas ar TG4 eolas a eisiúint, fiú más dóigh leis an iarrthóir gur eolas íogair é agus go bhfuil sin curtha in iúl do TG4 aige.

Ní ann d'aon chineál ceangail – conartha nó aon chineál eile – go dtí go mbeidh conradh foirmiúil scríofa forghníofa ag nó thar ceann TG4.